

Theologiæ Sacramentalis Scholasticæ Et Moralis Pars ...

Ad Mentem Doctoris Subtilis Ioannis Duns Scoti D. Augustino conformen

In qua tractatur de Sacrementis in Genere, & duobus primis in specie

Bosco, Jean a

Lovanii, 1665

Concl. IV. Mutatio substantialis materiæ vel formæ reddit Sacmentum invalidum, secùs accidentalis. Illa semper est mortalis, hæc frequenter.

[urn:nbn:de:hbz:466:1-73340](#)

postea incipiat verba cum secunda immersione; sive prius incipiat verba dicere, & dicto: ego te baptizo, immerget cum illis verbis sequentibus, est sufficiens simultas: dum tamen prolatio non finiatur ante inceptionem ablutionis, nec ab initio finiatur ante inceptionem prolationis, talis simultas est sufficiens ad Baptismum. Hæc Scotus.

Qui quidem ponit modum secundum rigorem philosophicum, etiam salvandum de similitate successivorum, quæ existunt per partes & non simul, & quæ magis est in praxi, quamque ex congruitate & reverentia minister debet oblervare; tamen eam non afferit de necessitate Sacramenti, quin etiam minor conjunctio sufficiat. Enimvero ratio ejus solum exigit propinquitatem humanam & moralem, per quam materia & forma ad idem referantur per modum unius signi. Ostendo:

Sed loco ci-
tato illud
nō adstruit;

Ut collig-
tur ex ver-
bis ipsius.

Ad istam (inquit n. 2.) questionem patet, quod requiritur simultas, & principialis ratio est institutio Christi instituentis hæc duo tanquam unum signum completum ad significandum effectum, ita quod neutrum esset signum sine alio. Unde concludit istum numerus hisce verbis: Nec ista simultas ultimi instanti prolationis verborum & ablutionis est necessaria: nam Apostoli baptizantes tria milia uno die Actor. 2. non semper cum ultima syllaba forma asperserunt, ita quod tunc aqua restigerit baptizatum.

Addendum habet 4. dist. 3. q. 2. n. 11. ibi: *De interpositione tamen esto quod non sit aliquius disrubit vel repugnat, & speciale hoc: quia si interrupat unitatem debitam forme, non manet forma. Quando autem talis unitas necessaria interrupitur, iudicatur ex alijs actibus humanis. Quando enim ex communis loqua, ex interpositione imperficiens non iudicatur, quin posset prior sermo continuari; & consummari nec debet in proposito iudicari, utpote si quis inciperet orationem, & diceret: tacete, vel: recedite, non propter hoc esset necessarium incipere orationem; sed non obstante tali interruptione posset eamdem continuare & completere. Si haec interruptio ex mente Doctoris Subtilis non officit unitati seu integratam formam, quare officiet unitati seu conjunctioni materie cum forma?*

Verumtamen quod non est de necessitate Sacramenti, quia minime à Christo institutum, Ecclesia poruit, & de facto suo precepit facit necessarium necessitate ministri, quando servari potest; & de hac (ut dixi) necessitate loquitur Scot. in primo loco, nequaque de necessitate Sacramenti. Ad meliorem autem intellectum utriusque ponitur

CONCLUSIO IV.

Mutatio substantialis materie vel formæ reddit Sacramentum invalidum, scilicet accidentalis. Illa semper est mortalís, hæc frequenter.

Pro explicatione Suppono primò mutationem substantialē optimè defūti-
35. Mutatio 5a.
mi per ordinem ad institutionem Christi; rūm effen-
tialis defū-
tia ad or-
vel ritum communem nostre Ecclesie, dñe ad In-
Ostendō: quia tota substantia Sacra-
mentorum à Christo instituta est (ut patet ex evidentiis
secunda conclusione hujus sectionis) sic per respe-
ctum ad quod Ecclesia nunquam in illa quidquam utrum vel ri-
mutaverit, nec possit. Porro accidentalia, sum Eccle-
sia ordinavit, ita mutare po-
test, & quandoque mutat, prout docet
Trident. sessione 21. cap. 2. ibi: *Præterea Trident.*
*declarat hanc potestatē perpetuā in Ecclesia
fuisse, ut in Sacramentorum dispensatione,
salvā eorum substanciali, ea statuerit vel muta-
ret, qua suscipientium utilitati, seu ipsorum
Sacramentorum venerationi, pro rerum, tem-
porum & locorum varietate, magis expedire
iudicaret.*

Si objicias, Matrimonium clandesti-
num, antiquitus solum prohibitum, novā Non obstat
nunc lege Tridentini irritatum. Respondeo
essentiam Matrimonij jam esse eamdem,
que antea fuit, scilicet legitimū consen-
sum signo externo expressum, quo tradi-
tur jus perpetuum in mutua corpora ad
utrum conjugalem. Sicut autem respublica
civilis reddit illegitimum contractum pu-
pili ad transferendum dominium bonorum
immobilium & mobilium pretiosorum,
qua servando servari possunt (ut lo-
quuntur Jurisconsulti) sine auctoritate tu-
toris; sic etiam respublica Ecclesiastica con-
tractum clandestinū invalidat, seu redi-
dit illegitimum ad transferendum domi-
nium corporum.

Etenim per hoc quod Christus illum
elevaverit ad rationem Sacramenti, non
subtraxit dispositioni Ecclesie in illis, in
quibus antea eidem subiectebatur. Sic etiam
communitas hominum posset facere quod
haec verba: *Hoc est corpus meum, non essent
amplius legitima forma Eucharistie, insti-
tuendo ly corpus, ad significandum lapi-
dem, & ē converso; neque propterea for-*
36.
matrimonij
clandestini.

mam mutassent formaliter, sed materialiter tantum; quippe Christus ordinavit verba, quae haberent talēm sensum, quem tamen reliquit beneplacito hominum, ut per hæc vel illa verba importaretur; & ita quamvis ex institutione humanæ verba sacramentalia accipiant quod significant gratiam, non tamen quod causent, sive quod gratia sit infallibiliter præsens, sicut per ea significatur. Pari modo in potestate cuiuslibet est facere ut hæc aqua non sit amplius materia Baptismi, destruendo scilicet ejus naturalitatem.

Minear ergo Ecclesiam non posse mutare substantiam Sacramenti, quemadmodum non potest eam instituere, cum illud huic æquivaleat.

Suppono secundò unitatem & varietatem materiæ non tam debere attendi secundum unitatem & varietatem physicam, quām bene humanam, id est, in ordine ad humanum usum, & ut significatur per nomen, quod hujusmodi uolum respicit; quia materiæ sacramentorum designatae sunt in aliquibus act onibus humanis, vel in ordine ad illas. Exemplum vulgare est in pane, qui est materia Eucharistia; massa vero nondum cocta non est materia, sive differat a pane in specie substanciali physica, sive non; quia neque in nomine, neque in usu hominum censetur simpliciter panis.

Suppono tertid ex Scoto 4. dist. 3. q. 2 ubi agens de substanciali forma Baptismi

Quadruplices
modus ex
scoto.

n. 7. Advertendum (inquit) est, quod secundum Philosophum & phys. quadruples est mutatio, scilicet secundum substancialiam, qualitatem, quantitatem, & ubi: sic secundum ista verba (Sacramentalia) potest fieri quadruplex variatio, scilicet secundum substancialiam, alia verba ponendo pro ipsis vel aliud verbum pro ipso; secundum quantitatem apponendo vel subirrendo: & si apponendo vel anteponendo, vel postponendo, vel interponendo: secundum qualitatem sollicet asserendo aliquam requisitionem terminacionem ad congruum locutionem; secundum ubi transponendo;

Et vero qua illarum variationum possit stare cum forma, & qua non, explicat ibidem à numero 8. usque ad finem questionis, exemplificans in forma Baptismi. Dico paucis, tunc mutationem formæ esse essentiale, quando per additionem, subtractionem, incongruitatem vel transpositionem verborum variatur sive corrumperit sensus à Christo intentus: sensus quippe est velut anima verborum.

Allias non. Illo ergo perseverante integro & incorrupto, ac præsente debitâ intentione, neque æquivocatio, neque additio, substractio,

incongruitas aut transpositio, quocumque animo facta, invalidat Sacramentum, etiam dum verus sensus formæ à proferente non intelligitur. Ratio est manifesta: quia tunc nihil deest essentiale. Et hec sit probatio secundæ partis conclusionis. Prima quoque non indiget aliâ ratione, quām quod res quelibet nequeat subsistere abs que sua substantia seu essentia.

Sanè quod non requiratur cognitione veri sensus formæ in proferente, vel hinc sat's probatur; quia verba operantur in Sacramentis (ut colligitur ex D. Tho. inferius citando) quantum ad sensum, quem faciant, non ex mente loquentis, sed juxta prudentem aliorum estimationem, quorum respectu habent rationem signi. Et ita si imperitus aliquis Sacerdos proferens:

In proferen-
te non re-
quiritur ve-
ri sensus
cognitio.

Hic est calix &c. putaret hic sumi adverbialiter, id est, *hoc loco*, quis negaret propter hunc errorem verum Sacramentum? Sie enim omnes docent, Baptismum fore validum, et si Arianus baptizans ipso ordine verborum veller significare Patrem esse majorem.

Dices: Verba formæ debent esse vera locutio, quā minister humano modo loquitur; loqui autem est manifestare sensa interna: si ergo in mente habeat conceptum solius presentis localis per vocem *hic significatæ*, illa sola significabitur; adeoque non loquitur in vero sensu.

Confirmatur: quia ignoranter proferens heræcles non censetur hereticus externus; quia non significat eas moraliter & humano modo, licet audientes ita intelligant ejus locutionem.

Respondeo: ut minister dicatur loqui per illa verba, & exprimere verum sensum ab Ecclesia intentum, sufficit voluntas generalis, quā vult per illa verba significare quod intendit Ecclesia; ita ut si sciret Ecclesiam usurpare vocem *hic* pronominaliter, etiam ipse maller sic accipere, quām non consecrare. Certum enim est tunc errorem privatum & voluntatem specialem inde procedentem, utpote inefficacem, nullatenus posse impedire priorem voluntatem generalem ab effectu, quem haberet, si voluntas illa privata abesset.

Simile sit; Sacerdos qui in principio missæ habuit intentionem consecrandi parvam hostiam, quamvis in ipsa consecratione illius non recordetur, & intentionem dirigat ad magnam tantum, adhuc validè consecrat utramque; qui ultima intentione non satis retractat priorem.

Respondet Dicastillo disp. 3. dub. 9. 39.
n. 195. disparitatem esse, quod pronomen Disparitas
aliqua a hoc Dicastille-

G 3

ne inter
profarent
in confera-
tione ly hoc
adverbiali-
ter, & in-
tendentem
consecrare
parvam ho-
stiam, cuius
in confera-
tionem agn
hostie ob-
liviscitur.

hoc ita feratur ex parte loquentis in hostiam principalem, ut locutio de illa non excludat locutionem de alijs; quia si illarum meminisset, cum ante habuerit voluntatem expressam illas consecrandi, absque dubio ad illas simul dirigeret illud pronomen, quod aequè primò omnes potest significare: at verò vox hic accepta pro signo adverbii localis non patitur secum significatiōnem pronominis, sed repugnat portiū in ordinario saltē & communī modo loquendi. Nemo enim simul & unicā prolatione usurpat vocem adverbialiter & pronominaliter: ergo voluntas posterior accipiendi adverbialiter, excludit priorem accipiendi pronominaliter, et si fuisse expresa, magis si solū fuerit implicita.

Sic enim si quis prius habuit intentionem offerendi Missam plenè & integrè uno, & postea immemor hujus habuit intentionem actu pro alio in tempore oblationis, eo ipso censeretur intentionis prior defuisse, nec moraliter perseverasse; constat enim hanc secundam existere, & cum utraque simul esse non possit, antiquam defusē esse est. Ita hic Auctor, qui tamen ibidem admittit Sacramentum fore validum, si talis consecratis actu habeat vel habuerit voluntatem non retrahitam; quod si forte Christus aut Ecclesia aliter esse accipientiam illam particularē doceat, velit in omni eventu in sensu tali illam vocem proferre.

Sed contra primò: hæc solū videntur probare Sacramentum illud non subsistere defectu debitæ intentionis, non autem properæquivocationem seu defectu forma, de quo solū tractamus in præsenti, infra acturi de intentione.

Et tamen eadem ratione qualibet varia-
tio verborum potest invalidare Sacra-
mentum, ut adverterit Scot. 4. dist. 3. q. 2. n. 7.
ibi: Et de quacumque istarum variationum dico, quod si varians intendit uti verbis, quibus uititur tanquam formâ Ecclesiæ, præcisè, non baptizat; quia deficit sibi intentio utendit verbis, quibus uititur, tanquam formâ Ecclesiæ: intendit enim uti illis verbis aliquatenus variatis, tanquam formâ præcisâ Baptismi. Hinc si-
gnanter dixi supra: Et præsente debitâ inten-
zione, neque equivocatio &c.

Secundo: esto deficiat hic etiam forma, cùm ab intentione, de qua agimus, videatur pendere, ut verba æquivoca sint vel non sive forma: non dubito, quin intentionis generalis prævaleat particulari, nisi consecratis expreſe veller non consecrare in eventu, que Ecclesia vel Christus aliter intelligat ly hic, quam ipse accipit.

Fundamentum sumo ex D. Tho. 3. par. te, q. 60. art. 7. ad primum; Ad primum (inquit) dicendum, quod sicut Aug. tractauit ex Div. Thoma. 80. in Ioannem dicit, verbum operatur in Sacramentis, non quia dicitur, id est, non secundum exteriorem sonum vocis: (ed quia creditur, id est, secundum sensum verborum, qui fide tenetur. Et hic quidem sensus est idem apud omnes. Quasi diceret, ut supra exposui: verba operantur in Sacramentis quantum ad sensum, quem faciunt non ex mente loquentis, sed juxta prudentem aliorum estimationem: quilibet autem prudens judicat, non obstante particulari errore, & intentione consecrantis jam explicata, ly hic significare pronominaliter. Sicuti va- Confirma-
lidè contrahitur Matrimonium ex errore tur à simili-
davitiarum, nisi intentio expreſe limite-
tur, quia prudentes communiter existimant voluntatem fusse absolutam, sic postulan-
te bono communi, ut proprio loco dice-
tur.

Cum ergo ad validam consecrationem non requiratur notitia sensus verborum (certum quippe est multos rudes Sacerdotes non intelligere quid per singula verba significetur) videtur in ipsis sufficiere intentionis generalis significandi, quod Christus voluit significari; quamquam in particuliari errant circa significacionem aliquius verbi; talis liquidem error & voluntas consequens, quemadmodum in Matrimonia, ita etiam in præsenti non debet censi-
seri error practicus; sed solū speculati-
vus, qui non vitiat Sacramentum.

Ex quo patet responsio ad disparitatem & exemplum allatum à Dicastillone. Nam in primis ly hic regreſe primò potest accipi adverbialiter, atque pronominaliter; & acceſio adverbialis talis est, ut si falsitas eius appareret, ex vi absolute voluntatis consecrandi deſtruatur. Adde, quod de facto non solū significet sanguinem Christi realiter existentem, sed etiam localiter (ut sic dicam) præsentem Sacerdoti.

Aliud esset, si Sacerdos sciens institu-
tionem Christi, primò voluit accipere pro-
nominaliter, & in actuali consecratione
scienter intelligat adverbialiter. Et pari-
ratione admitto exemplum Dicastillonis.

Enimvero si error dedit causam secun-
dae applicationi, ita quod absolute & sim-
pliciter noluisseſ alteri applicare, si recorda-
tus fuisset prioris applicationis; quidni
hæc prevaleat? Quod enim secundum
testamentum sit validum, nisi prius con-
tineat clausulam derogatoriam, sit favore
ultimæ voluntatis; etenim cum testamentum sit actus solemnis, non presumitur ignorantiæ.

40.
Reponde-
tur ad dis-
paritatem &
exemplum
Dicastillo-
nis.

Sect. 3. De Mat. & forma Sacram. Concl. 4. 55

ignorantia prioris; non mirum ergo, si secundum post mortem testatoris censeatur revocare primum, quando jam amplius testator nequit mentem suam indicare.

Non semper voluntas posterior destruit priorem.

Cap. Peccatum de prefaciis.

Alioquin certum est, de jure naturae non semper voluntatem posteriore destruere priorem, ut patet in privilegio, quod ex communi sententiâ non irritatur per posterius incompossibile; cap. Veniens de Praescriptionibus, ibi: *Non obstante privilegio Clementis Papæ, per quod privilegii suorum predecessorum non extitit derogatum, cum de ipsis nullam fecerit mentionem.*

Ratio illius.

Et ratio est: quia tunc presumitur princeps secundum privilegium concessum ex ignorantia primi, juxta cap. 1. de Constit. Licet Romanus Pontifex (qui iura omnia in scirio peccoris sui censuram habere) constitutionem condendo posteriorcm, priorem (quamvis de ipsa mentionem non faciat) revocare noscatur: quia tamen locorum specialium & personarum singularium consuetudines & statuta (cum sint facti & in facto consistant) potest probabilitate ignorare: ipsis, dum tamen sint rationabilis, per constitutionem à se noviter editam (nisi expresse caveatur in ipsa) non intelligitur in aliquo derogare.

Quidni igitur prima applicatio Sacrificij, tortè ex iustitia debita, prævaleat secunda ex ignorantia provenienti? Deus siquidem, cuius est fructum Sacrificij concedere, scrutatur renes & corda hominum, ideoque optimè novit voluntatem efficacem ab inefficaci discernere.

*In casu cō-
ciūtions
voluntas est
universalis
& reflexiva
super aliam.*

Sed demus Dicastilli quod petit, adhuc negatur consequentia; quippe in casu nostro prior voluntas est universalis & reflexiva super aliam; in ipsis autem simili utraque voluntas est particularis, sive jam illa voluntas universalis sit unice formaliter & duplex aequivalenter, sive duplex formaliter, de quo infra ubi de intentione ministri.

Ad confirmationem objectionis principalis supra n. 38. Respondeo excusari à pœnis hereticorum, qui scienter utitur verbis ambiguis coram illis, qui apprehendunt sensum hereticum, siquidem non habeat animum heresim suam internam manifestandi; & è converso incurtere pœnas, si intendat heresim internam manifestare, et si alii eam non percipient. Ratio est: quia ad hereticum externum requiritur & sufficit, ut errorem internum verbis aut alijs signis culpabiliter explicet; ad quod imperitens est cognitio audientium aut videntium, ut latius traditur in tractatu de Virtutibus Theologicis.

Cæterum si quis uteretur verbis aut

alijs signis verè significantibus heresim in communi eorum acceptione, putans ex privato errore aliud significare, existimo talem verè esse hereticum externum, si intendit illis exprimere suam internum errorum, casu quo possit.

Ex his facile colligitur, quid dicendum sit de metatione forme (manente sensu verborum essentialium) animo inducendi aliquem errorem, de qua exat Decretalis

*41.
Quid dicenda
dum sit de
mutatione
formæ (ma-
nenente sen-
su verborū
essentialiū)
animo in-
ducendi
errorem.
Zacharias
Papæ.*

responsio celebris Zachariae Papæ, qua habetur in cap. Reuelurunt 86. de Confess. dist. 4. ubi scribens ad Bonifacium Episcopum sic dicit: *Retulerunt nuntiū tui, quod fuerit in eadem provincia Sacerdos, qui latīnam lingua penitus ignorabat, & dum baptizare nesciens latini eloquij, infringens linguan diceret, baptizo te in nomine Patriæ, & Filia, & Spiritu Sancto. Ac per hoc tua reverenda Fraternitas consideravit eos rebaptizare. Sed sanctissime frater, si ille, qui baptizavit, non errorum introducens aut heresim, sed pro sola ignorantia Romane locutionis infringendo linguan (ut supra fatus sumus) baptizans dixisset, non possumus consentire ut denovo baptizentur. Hæc Zacharias. Ex quibus verbis aliqui à contrario sensu inferunt: ergo si habuit animum inducendi errorem, invalidè baptizavit.*

Verum Respondeo primò, argumentum à contrario sensu non semper concludere. Potuit ergo Pontifex velle declarare quod certum erat, videlicet hujusmodi variationem, & quamcumque similem absque animo inducendi errorem, non irritare Sacramentum: relinquendo nihilominus disputationi Doctorum casum magis dubium.

*Responſio
prima ad
objectionē
ex Zacharia
Papæ.*

Pro quo assero, non semper talem animum formam essentialiter mutare. Ducor, quia cum tali animo stare potest intentio efficax faciendi, quod Christus instituit, quodcumque illud sit. Sic Græci utuntur hæc formæ: *Baptizetur servus Christi &c.* quia existimant formam Latinorum esse invalidam. In forma quoque consecrationis panis addunt: *Quod pro nobis tradetur, tanquam verba essentialia; quemadmodum etiam multi consecrant in fermentato ad stabiliendam suum errorem. Imò inter Latinos aliqui docent illa verba: Novi & eterni testamenti &c. esse essentialia; & tamè nemo asserit illa Sacraenta propterea esse invalida, nisi tortè defecta debite intentionis, si videlicet nolint per illa verba confidere Sacramentum, nisi sint essentialia.*

Confirmatur: quia etiam in alijs Sacramentis sèpe dubitatur, an hoc vel illud sit essentialia,

*respondetur
confirma-
tioni objec-
tionis prin-
cipialis.*

56. Disp. I. De Sacramentis in genere.

42.
Responso
secunda.

Proponun
tur varie
formæ.

essentiale, & tamen quis audeat dicere primum hunc errorem obesse eorum valori?

Hinc Respondeo secundò ad verba Pontificis, ipsum tantum velle docere, quod si per mutationem reddatur dubius sensus formæ, & simul minister sic intendat inducere novum ritum, ut intendat sensum faliū, variatio sit essentialis.

Profectò in casu proposito, si ministrans voluit introducere hunc errorem, quod scilicet in divinis non sit filius, sed filia; luculentè patet formam non valuisse, utpote cuius significatio pugnabat cum significazione formæ à Christo institutæ. Aliud est, si quis baptizet: *In nomine Patris omnipotentis, & Filii sapientis, & Spiritus Sancti paracleti*, quāvis judicet illa predicata non esse communia, sed propria. Similiter: *In nomine Filii, Patris & Spiritus Sancti*, volens errorem inducere, quod Filius sit principium Patris; quia illi errores communiter per ista verba non significantur, supposita semper debitâ intentione.

Idem sit judicium de hac formæ: *Ego te baptizo in nomine Patris, & Filii & Spiritus Sancti, & B. Virginis*, silem quando proferens non veleret significare nisi Virginis intercessionem: sin autem etiam æqualitatem, nec sic video quare non valeret. Etenim æqualitas Virginis non repugnat æqualitati Patris, Filii & Spiritus Sancti. Et aliunde per illam formam vi verborum significatur unitas & Trinitas Personarum, minimè vero quaternitas, esto baptizans illam intenderet.

Badem est ratio hujus: *Hoc est corpus meum, quod pro vobis non tradetur*: diversa istius; *Hoc est corpus meum æreum*. Nam (ut bene Scot. 4. dist. 3. q. 2. n. 11.) *Si anteponitur vel postponitur aliquid non repugnans, sit (Sacramentum) si aliter, non*. Porro æreum repugnat vero & reali corpori Christi; ad quod impertinens est, quod si traditum vel non traditum pro nobis. Similiter æqualitas Virginis non falsificat æqualitatem Patris, Filii & Spiritus Sancti.

Concludo verbis D. Aug. lib. 6. contra Donatistas cap. 25. *Verba, quibus Baptismus consecratur, tantum valent. ut per illa sic evacuntur quacumq[ue] in prece ritiosa contra regulam fidei dicuntur. Intellige (ut dictum est) nisi destruant significacionem formæ uitiae. Dicit (inquit Scot. supra) quod si aliquid addatur repugnans verbis principali bus formæ, vel diminuens verba illa, nihil sit; quia non servatur forma; v.g. de primo si sic dicitur: In nomine Patris maioris, & Filii*

minoris, &c. v. g. de secundo si præmittatur vel disiungatur, vel interponatur aliqua cōditio, que non existat, utpote: Si ego sum omnipotens, ego te baptizo &c. Vel si sit aliqua oratio disiunctiva contra rationem formæ: quia disiunctiva non ponit determinatè alteram partem; & eodem modo de similibus.

Número autem 12. notat, quod dictum est de incongruitate, intelligendum esse, quando est talis incongruitas in fine dictioris, que non prohibet quin posse capi conceptus significatus per dictiōnem. Et quomodo hoc sit possibile, bene experientur aliqui audientes quosdam illitteratos, qui loquuntur incongruè: & tamen bene concipiunt quid volum dicere, etiam quantum ad singula verba. Unde non valeret haec forma Baptismi: *Ego te bao in noe pris, & Fli, & spris Sti.* Enimvero illis breviaturis non utimur in loquendo, sed scribendo quocirca nullus prudens audiens aliquem sic loquentem, concipiens quid veli dicere, nisi forte mediatè, si videret scripturam quam loquens legit. Porro forma Baptismi sunt verba non scripta, sed ore prolatæ, proximè & per se significativa sensus à Christo intenti. De transpositione verborum dicam agendo in particulari de forma Baptismi.

His suppositis, tertia & quarta pars conclusionis per se sunt manifeste: constat enim apud omnes Theologos, mortaliter peccare contra Religionem, qui facit Sacramentum invalidum; quantum enim est in se, facit ut Deus significet falso; sicuti qui jurat falso, quāvis non efficiat ut Deus revera affirmet falso, facit tamen de se ut id appareat. Sicut ergo juramentum falso semper est peccatum mortale, quidni etiam Sacramentum invalidum semper sit peccatum mortale?

Et sicut juramentum verum subinde est peccatum veniale defectu judicij aut justitiae; ita etiam Sacramentum validum potest esse aliquando veniale peccatum, si levis contingat variatio in his, que ab Ecclesia in confectione aut administratione præcepta sunt. Alioquin cum virtus Religionis ex genere suo obliget ad mortale, & præcepta Ecclesiæ frequentius respiciant res majoris momenti; nec non per variationem, quam putamus accidentalem, sepe Sacramentum exponatur periculo nullitatis; optimè concludit etiam hanc frequenter esse peccatum mortale.

Et hactenus quidem de essentia Sacramentorum tum physica, tum quasi metaphysica. Transeo ad eorum causalitatem & multiplicem effectum, pro quibus dilucidè explicandis necessaria fuit

SECTIO

44.
Mortaliter
peccat con-
tra Religio-
nem faciens
Sacramen-
tum invali-
dum.